



Broj: 02-967/2018  
Sarajevo, 04.07.2018. godine

Na osnovu člana 64. stav (1) tačka b), člana 70. st: (1), (3 i (6), a u vezi sa članom 90. Zakona o javnim nabavkama Bosne i Hercegovine („Sl. glasnik BiH“, broj 39/14) i člana 6. Pravilnika o postupku direktnog sporazuma, broj: 02- 836/2017 od 29.06.2017. godine, direktor Kantonalnog stambenog fonda Sarajevo, d o n o s i

### **ODLUKU**

#### **o izboru najpovoljnijeg ponuđača za realizaciju Direktnog sporazuma u postupku javne nabavke: Izrada web stranice Kantonalnog stambenog fonda Sarajevo**

#### **Član 1.**

Prihvata se Ponuda broj: 035/18 od 25.06.2018. godine i Ugovor za javnu nabavku usluge putem Direktnog sporazuma: Izrada web stranice Kantonalnog stambenog fonda Sarajevo, dodjeljuje se ponuđaču AN & AD d.o.o. Sarajevo, Ul. Bačići do br. 23, za ponuđenu cijenu od 5.950,00 KM bez PDV-a, kao najbolje ocijenjenom Ponuđaču po kriteriju „najniža cijena“.

#### **Član 2.**

Pored odabrane ponude, u cilju ispitivanja cijena na tržištu pribavljene su i informativne ponude ponuđača:

- BH Plaza Group D.o.o. Sarajevo, Kasima ef. Dobrače 3, 71000 Sarajevo, ponuda iznosi 8.541,00 KM sa PDV-om,
- Best solution company d.o.o. Sarajevo, Vrbanja 1, 71000 Sarajevo, ponuda iznosi 7.839,00 KM sa PDV-om.

#### **Član 3.**

Prijedlog ugovora o nabavci usluge iz člana 1. ove odluke dostavit će se na potpis izabranom ponuđaču AN & AD d.o.o. Sarajevo, ul. Bačići do br. 23, odmah po stupanju na snagu ove odluke.

#### **Član 4.**

Za izvršenje ove odluke zadužuje se Sektor za pravne i ekonomske poslove.

#### **Član 5.**

Ova Odluka stupa na snagu danom donošenja i dostavlja se ponuđačima koji su učestvovali u postupku javne nabavke u skladu sa članom 71. stav 2. Zakona o javnim nabavkama Bosne i Hercegovine.

### **O b r a z l o ž e n j e**

Odlukom direktora Kantonalnog stambenog fonda Sarajevo broj: 02-01-817/2018 od 25.05.2018. godine, pokrenut je postupak javne nabavke „Izrada web stranice Kantonalnog stambenog fonda Sarajevo“ putem Direktnog sporazuma.

U skladu sa članom 6. Pravilnika o postupku direktnog sporazuma u Kantonalnom stambenom fondu Sarajevo izvršeno je ispitivanje tržišta povodom predmeta javne nabavke, te su dana 19.06.2018. godine upućena tri poziva za dostavu ponuda od sljedećih adekvatnih dobavljača: BH PLAZA Group d.o.o. Sarajevo, AN & AD d.o.o. Sarajevo i BSC d.o.o. Sarajevo.

Komisija za javnu nabavku imenovana Odlukom direktora Kantonalnog stambenog fonda Sarajevo, broj: 02-420/2018 od 26.02.2018. godine, izvršila je dana 25.06.2018. godine javno otvaranje ponuda koja je nakon detaljne analize svih prispjelih ponuda ocijenila da je





najpovoljnija ponuda od strane Ponuđača AN & AD.d.o.o. Sarajevo, broj: 035/18 od 25.06.2018. godine sa cijenom od 5.950,00 KM, bez uračunatog PDV-a, te je dala preporuku Ugovornom organu da se može pristupiti zaključenju ugovora sa izabranim Ponuđačem AN & AD. d.o.o. Sarajevo.

Prilikom izbora napovoljnijeg Ponuđača, Komisija za javne nabavke Kantonalnog stambenog fonda Sarajevo je prilikom pregleda i ocjene prispjelih ponuda posebno cijenila činjenicu da je izabrani Ponuđač dostavio Ponudu koja je tražena u pozivu za dostavu ponuda, te da je Kantonalni stambeni fond Sarajevo, kao Ugovorni organ, zadovoljan cijenom i kvalitetom tražene usluge.

U postupku ocjene provedenog postupka Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke obzirom da je Komisija izvršila postupak izbora najpovoljnijeg ponuđača u skladu sa Zakonom o javnim nabavkama, podzakonskim aktima i traženim uslovima iz poziva za dostave ponuda.

Prihvatajući preporuku Komisije, direktor Kantonalnog stambenog fonda Sarajevo donosi ovu odluku.

**Pouka o pravnom lijeku:**

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Žalba se putem Ugovornog organa izjavljuje Kancelariji za razmatranje žalbi Bosne i Hercegovine u pisanoj formi, direktno ili preporučenom poštanskom pošiljkom, na adresu Hiseta 13A, Kantonalni stambeni fond Sarajevo.

Žalba se podnosi u najmanje 3 (tri) primjerka.

Obradio/Kontrolisao:

Jasmina Karović, dipl.pravnik

Željko Galić, dipl.ing.arh.

**Dostaviti:**

RA083342028A → AN & AD.d.o.o. Sarajevo, Ul. Bačići do br.23, Sarajevo

RA083332025B → „BH PLAZA GROUP“ d.o.o. Sarajevo, Ul. Kasima efendije Dobrače br. 3

RA083322023A → „BEST SOLUTION COMPANY“ d.o.o. Sarajevo, Ul.Vrbanja br. 1

- Odjel za tehničke poslove
- Odjel za pravne i ekonomske poslove

→ a/a

RA

poslano

05.07.2018.god.

